

Le meſme iour que ie receu la prefente le P. Superieur & le P. Chaſtellain retournerent d'*Oſſoſané*, où ils eſtoient allez le iour precedent pour conſoler par quelque preſent les parents de noſtre hoſte: le bien que nous auions receu d'eux pendant tout l'hiuer, demandoit de nous ce teſmoignage du reſſentimēt que nous auions de leur afflictio. Ils prirent auſſi ceſte occaſion pour ſ'affeurer des bruits qui couroient en ces quartiers, qu'à raiſon de la mort de ce Sauuage, on auoit tout a fait abandonné l'entrepriſe de noſtre, cabane pour n'y plus remettre la [226] main. Mais en y allant ils paſſerent par *Arenté* où ils trouuerent les eſprits vn peu aigris & rebutez du Bapteſme, à cauſe de la mort d'vn ieune enfant baptifé dans l'extrémité depuis deux iours: ſi qu'eſtās entrez dās vne cabane pour voir vne petite fille de cinq ans qui eſtoit en pareil danger, & qui auoit teſmoigné auparauant par ſes larmes & ſes pleurs l'auerſion qu'elle auoit du Bapteſme, à la premiere ouuerture qu'ils firent de ce Sacrement on les pria de n'en parler pas dauantage: neantmoins l'eſtat de cette petite malade leur fit iuger qu'il falloit paſſer par deſſus le refus des parents qui eſtoient là en grand nombre. C'eſt pourquoy le P. Pierre Chaſtellain pria le P. Superieur de parler vn peu de la fieure & de la maladie, à fin qu'il euſt occaſion de faire le medecin, & taſter le poulx à l'enfant, cependant il mouilla vn mouchoir le plus ſecretement qu'il pût dans vn feu qui eſtoit là, & fit mine de ſ'en froter le viſage: puis s'approchant d'vne main il lui taſta le poulx & de l'autre ſous pretexte de voir ſi elle auoit la teſte extraordinairement eſchauffee, il la baptifa ſans qu'aucun des aſſiſtans